

Rapòrt moral CREO 2016 - 2017

❖ Las dificultats

• **Trabalh cooperatiu**

- dificultat de coordinacion entre trabalh sindical e trabalh associatiu (exemple del CALR de novembre). Lo CREO deu èsser lo luòc que recampa, que met en sinèrgia las accions fachas de cadun dins son sindicat, amb l'associacion locala de parents, amb tal o tal elegit local...
- dificultat de faire comprene als collègas l'interès del CREO coma associacion d'ensenhaires d'occitan : los collègas, los parents, los estagiaris que fan apèl al CREO o sabon. De còps la batèsta es perduda, de còps es ganhada. Dins un cas coma dins l'autre, se rampelar que lo CREO existís de ges de biais en defòra de vos, que sa flaqueza tant coma sa fòrça son vòstras.
- dificultat de veire espelir la seguida... De qu'es estat lo seguit dels acamps de l'an passat que s'èran donats d'objectius de trabalh ? Del còp, falta d'engatjament de novèls dins un trabalh efectiu e seguit de burèu, la formacion (seguit dels dorsiers, redaccion de tèxtes, de comptes renduts, de letras, tenguda de fichiers de contactes, seguida menimosa de la comptabilitat e de las demandas de subvencions...) se fai pas.

• **Rapòrts amb lo rectorat.**

Malgrat la signatura de la convencion amb l'ex-ministra a Tolosa en genièr de 2017, en preséncia de la Rectora de Montpelhièr, lo rectorat contunha de demorar mut a las sollicitacions del CREO. Un sol CALR organizat sus los dos promesas, CALR ont las questions foguèron eludadas, ont las chifras donadas èran aproximativas...

D'intervencions necessàrias sus la situacion del Vigan, o sus aquela del dept d'Erau foguèron fachas.

Veire sul sit totes los corrièrs demorats sens responsa <http://www.felco-creo.org/category/contactes-rectorat-lengadoc/>.

De qué n'es sul terren ?

• **Situacion dels collègas dins lo segond gra.**

Dificultats creissentas dins lo segond gra : efectius totjorn flacs, necessitat lassanta del recrutament, preséncia necessària dels collègas dins mantuns establiments, desplaçaments, descoratjaments... Un punt simbolic : la situacion d'Agropolis/Frédéric Bazille a Montpelhièr ont una negligéncia de l'establiment + la concurréncia averada del « licèu » Calandreta an abotit a la supression de l'opcion.

• **Dins lo primier gra**

- besonh de vigilància permanent per lo seguit e la continuitat dels sitis bilingues :

- Le Vigan : los efectius en bilingue son venguts tròp importants puèi que l'administracion refusa de comptar a despart lo cursus bilingue : globaliza los efectius,

- Montpelhièr ont una regenta non bilingua es afectada sus lo cursus alara que i a las ressorsas sus plaça (situacion de clarificar per los collègas a l'AG)

- Lézignan-Corbières : batèsta a la prima ganhada mercé la mobilizacion concertada dels parents, del SNUIPP e del CREO.

- **Situacion transitòria dins Erau en seguida del despart de la CPD.** Lo CREO a escrich al Rectorat per li demandar « qu'une solution pérenne soit d'ores et déjà étudiée pour être mise en place à la rentrée 2018 afin de continuer à assurer le développement de l'enseignement public de l'occitan dans l'Hérault. »

- **pb per la participacion dels collègas a l'estagi academic de Gard** (situacion expausada per Danís Galvièr).

- **Relacions Region / OPLO**

A priori son totjorn calorosas, mas l'immensitat de la novèla Region e sa capitala tolosenca facilita pas las causas...

- ❖ **Las capitadas**

- Un collòqui FLAREP Identitat / Alteritat dels mai capitats, que i passèron quasi 200 personas, de totas las acadèmias, e mai de totas las lengas, amb de conferéncias de nivèl naut e tanben de talhièrs d'escambis entre collègas per nivèls. La preséncia d'elegits nombroses, una bona cobertura mediatica. Un site noirit abans lo collòqui e après, amb mesa en linha de las conferéncias.
- De contactes caloroses (en seguida del collòqui) establits samb lo Conselh despartamental d'Erau, amb proposicion de collaboracion a sas publicacions – manten de la subvencion.
- De contactes confirmats amb la comuna de Montpelhièr e la Metropòla : vesèm sovent Guy Barral, adjonch cargat de l'occitan a Mtp, acamp recentdivendres 8 per situacion occitan / Metropòla, en concertacion amb Joseta Soliva (destacada a mièg temps per l'animacion pedagogica) – manten de la subvencion, edicion per la metropòla d'una plaqueta sus la situacion de l'occitan dins l'ensenhament public : ont e amb quinas modalitats.
- De contactes bons amb l'OPLO, amb l'oficializacion de la borsa « Ensenhar » per los futurs PE que s'engatjan a ensenhar l'occitan + la decision de reeditar la collaboracion amb l'ONISEP per la campanha sus l'ensenhament de l'occitan e sos mestièrs. Sus aquò, pasmens, pbs economics...
- Una polida jornada « Total Festum » en junh al CIRDOC a Besièrs sus lo teatre e son utilizacion dins l'ensenhament.
- Participacion, coma cada an, a Rodés e la fièra de las associacions de Montpelhièr Antigòna.
- L'agregacion : una bofada d'èr per los collègas : 15 de marcats a la prepa Mtp, gròs trabalh per los formators e los collègas, mas oportunitat de montar son nivèl. Bon ambient entre los collègas que venon de totas las acadèmias. Formators contents, los formats sembla que o son tanben.

E ara ? Quina(s)accion(s) per lo CREO 2017-2018

- ❖ **Total Festum ?** Las jornadas organizadas cada annada an portada una respiracion dins lo trabalh associatiu : equilibri entre reflexion pedagogica, convivialitat, escambis, de còps amb d'autres lengas. **Mas**
 - la subvencion prepausada se fonda ara pas que sus previsual d'una jornada e donc es plan demesida.

- lo mes de junh es pas un bon mes per los pròfs engatjats de còps dins d'autres accions Total Festum.
- besonh pasmens d'aquel ritual de convivialitat + marcatge « Total Festum ».

❖ **Idèa d'una jornada poesia pendent la prima dels poètas**

❖ **Ajuda del CREO a de projèctes** : exemple : en collaboracion amb la Metropòla de Mtp, projècte d'una fèsta de las escolas que fan d'occitan, trobar lo biais per par concurrènciar lo recampament despartamental.

❖ **Amb los parents d'escolans** : besonh d'un OCBI academic : de parents dinamics d'aquí d'alai mas pas organizats. OCBI, estructura federativa + ajudada per 2 pòstes de permanents (1 en Aquitània, 1 en MP. E nosautres ?) Pasmens los parents son fòrça importants (cf. Miraval, Lo Vigan).

❖ **Amplificar lo trabalh d'adesion** : cada collèga deu èsser un ambassador.

❖ **Amplificar lo trabalh collectiu per preparar la seguida** : cossí ? qual ? **E amb lo Rectorat ?** Futurs CALR ? ne trabalhar mai la preparacion. Convit del CREO a las organizacions sindicalas ? Letra rituala de demanda de rendètz-vos.